



Australian Government
Department of Home Affairs



Aprende lia-inglés gratúitu

Programa Lia-Inglés ba Migrante Adultu sira (Adult Migrant English Program) muda tiha ona

Programa Lia-Inglés ba Migrante Adultu sira (Adult Migrant English Program - AMEP) fó klase lia-inglés gratúitu ba migrante sira no ema sira ne'ebé tama bazeia ba razaun umanitária ne'ebé ladún hatene lia-inglés hodi ajuda Ita adapta an no partisipa iha comunidade Austrália.

Se Ita elejivel, agora Ita bele kontinua estudu iha programa ne'e naruk liu, no la iha limitasaun oras 510 hanesan uluk. Ema sira ne'ebé antes ne'e la elejivel dala ruma agora sira elejivel.

Se Ita partisipa iha AMEP, Ita sei hatene lia-inglés ne'ebé Ita presiza hodi hetan serbisu, ajuda Ita-nia oan sira adapta an no partisipa barak liu iha moris loroloron iha Austrália.

Ita sei iha oportunidade atu hetan kolega foun sira enkuantu Ita aprende lia-inglés no kona-ba Austrália.

Se Ita simu pagamentu sira hodi aumenta Ita-nia rendimentu husi Centrelink, ho rekizitu sira kona-ba obrigasaun mútua, AMEP bele ajuda Ita kumpre rekizitu sira.

Kuidadu ba labarik ne'ebé gratúitu.

Kuidadu ba labarik ne'ebé gratúitu mak disponivel ba labarik sira ne'ebé seidak iha idade eskolár bainhira Ita estuda iha klase AMEP ho marka prezensa direktamente.

Opsaun sira atu aprende

AMEP fó opsaun oioin ne'ebé fleksivel hodi aprende, hodi ajuda Ita estuda, inklui klase tempu tomak, tempu partiál, iha tempu kalan no iha findesemana.

AMEP oferese klase ne'ebé Ita marka prezensa direktamente, online no virtuál, rejime aula privada voluntáriu nian no aprende husi distánsia dook.

Ha'u elejivel ka lae?

AMEP disponivel ba migrante sira no ema sira ne'ebé tama bazeia ba razaun umanitária ho tinan 18 ba leten. Ida-ne'e inklui ema hotu-hotu ne'ebé kaer vistu permanente, ema balu ne'ebé kaer vistu temporáriu no sidadaun sira ne'ebé antes ne'e kaer vistu ne'ebé elejivel.

Migrante sira no ema sira ne'ebé tama bazeia ba razaun umanitária ho tinan 15-17 bele partisipa iha AMEP iha sirkunstánsia balu.

AMEP nia fatin sira

AMEP disponivel iha parte barak iha Australia, liuhosi forneseidór servisu oioin.

Iha mós opsaun hodi aprende husi distánsia dook.

Oinsá bele hahú

Haree www.homeaffairs.gov.au/amep